

**Kalaallit Nunaanni nunaqarfinni tamani ingerlatsinissamut akuersissuteqarfiullutik qulimiguulinnut mittarfinnik pilersitsinissamut, pioreersunillu aserfallatsaaliuinissamut, kingusinnerpaamik UKA2026-mut, Naalakkersuisut sanaartornissamut pilersaarusiornissaannut (projektering) peqquneqarnissaannik Inatsisartut aalajangiiffigisassaattut siunnersuut**  
(Inatsisartunut ilaasortaq Jens NapâtôK', Naleraq)

### **Akissuteqaat**

(Ineqarnermut, Attaveqaasersuutitut Isorliunerusunullu Naalakkersuisoq)

### **Siullermeerneqarnera**

Naalakkersuisut sinnerlugit siunnersuuteqartoq, Jens NapâtôK' Naleraq-meersoq, sanaartugassamik pilersaarusiornermik, Kalaallit Nunaanni nunaqarfinni tamaginni qulimiguulinnut mittarfinnik ingerlatsinissamut akuersissuteqarfiusunik pilersitsinermi kiisalu qulimiguulinnut mittarfinnik pioreersunik iluarsaassinermi aningaasartuutissat missingersorneqartut ilanngullugit, suliaqarnissaq pillugu siunnersuummik saqqummiussineranut, qutsavigaara.

Aallarniutigalugu Naalakkersuisut eqqumaffigeqqussavaat Mittarfeqarfiit 2022-mi nalunaarusiaq naammassisimammassuk: *Kalaallit Nunaanni qulimiguulinnut mittarfiit - kalaallit nunaanni qulimiguulinnut mittarfinnut nalunaarsukkat*. Nalunaarusiami matumani ilaatigut mittarfiit pioreersut pillugit aningaasaliinissamut periarfissat aammalu qulimiguulinnut mittarfinnik nutaanik pilersitsinermi aningaasartuutissat missingersorneqartut, qulaajarneqarput. Nalunaarusiaq tamanit pissarsiarineqarsinnaavoq.

Angalasunut pissutsit pitsaasuunissaat, ilanngullugu qulimiguulinnut mittarfiit pitsaasumik pitsaassuseqarnissaat, qulakkeerniarlugu Naalakkersuisut sulimmata erseqqissassallugu pingaaruteqarpoq. Qulimiguulinnut mittarfinnik nutaanik sanaartornissamut periarfissanut tunngatillugu ilaasunik angallassinissamut periarfissat naleqquttuunissaat pingaaruteqarpoq. Taamaattumik siunnersuutigineqarpoq *Kalaallit Nunaanni qulimiguulinnut mittarfiit - kalaallit nunaanni qulimiguulinnut mittarfinnut nalunaarsukkat* nutarterneqassasut, taamaalilluni ullutsinnut taanna naleqqutilissalluni.

Taamaattumik sanaartugassanik ataasiakkaanik sanaartugassamut pilersaarusiornermik suliaqarnissamut kiisalu iluarsaassinernik suliniuteqarnissamut taarsiullugu, Naalakkersuisut allannguutissatut siunnersuut manna saqqummiuppaat:

**Qulimiguulinnut mittarfinnik pilersitsinermi aammalu ingerlatsinissamut akuersissuteqarfiusunik iluarsaassinermi aningaasartuutissat ullutsinnut naleqquttumik ilisimalernissaannut, qulimiguulinnut mittarfiit pillugit Mittarfeqarfiit nalunaarusiaa 2022-meersoq nutarteqqullugu Naalakkersuisut peqquneqassasut pillugu Inatsisartut aalajangiiffigisassaattut siunnersuut. Nalunaarusiap nutarterneqarnera UKA2027-mi Inatsisartunut saqqummiunneqassaaq.**

Taamatut oqaaseqarlunga aalajangiiffigisassatut siunnersuut Inatsisartuni kajumittumik suliassanngortippara.